

րոց առաջի շքեղացուցեալ զսուրբ այրն զաւրութեան վերնոյն<sup>1</sup> տեսանէր ամենայն մարդ գերեսս նորա իբրեւ գերեսս հրեշտակի. յորմէ<sup>2</sup> եւ հեթանոսք մեծաւ զգուշութեամբ խորշեալ պատկառէին ի նմանէ: 10 Այլ քրիստոնեայքն եւ եպիսկոպոսն Տիգրանի եւ Խուժաստանի եւ Հրեւեայ, եւ ամենայն կողմանցն այնոցիկ երիցունք եւ սարկաւագունք երկուցեալ դողային ի սրբոյն որպէս ի մարգարէէ տեսնն Աստուծոյ<sup>3</sup>:

11 Եւ լուեալ թագաւորին Պերոգի զերթալ սրբոյն Գիւտայ<sup>4</sup>, յղեր առ նա մի ըստ միոջէ զամենայն բանս ամբաստանութեանն Մախագու, զՅըզատվշ-նասպն զորդի Աշտատայ ի Միհրան տանէ: 12 Եւ սրբոյ կաթողիկոսին Գիւտայ պատասխանի արարեալ բանից թագաւորին՝ ասէր. «Ոչ են ամենայն ասացեալքդ Մախագու զինէն առ ձեզ՝ սուտ<sup>5</sup>. այլ են որ արդար են, եւ են որ ոչ են ստոյգ արդար: 13 Բանգի սիրել զքրիստոնեութիւն եւ որ ոք քրիստոնեայ է՝ զայդ ոչ այսաւր ընտրեալ պահեմ յանձին իմում, այլ ի մանկութենէ իմմէ. եւ զամենայն մարդ որ վրիպեալ է ի ճշմարտութենէն՝ ատեմ. եւ կամիմ, թէ ամենայն, որ ի ճշմարտութենէն մոլորիլ կամեր եւ գնալ զճանապարհ որ ոչ է ուղիղ, եւ գոյր հնար բռնութեամբ եւ կամ աղաչելով, այլ թէ եւ կարասուով կարէի հաւանեցուցանել՝ ջանայի անվեհեր մտաւք եւ ոչ տայի կորնչել այնպիսոյն զանգիւտ կորուստն: 14 Այլ որ ասենդ, թէ երթեւեկք նորա ի Հոռոմս<sup>6</sup> ոչ ըստ դորա կարծեաց եւ խաւսիցն այդպէս են իրքն, քանզի սուտ է. այլ վասն զի զգպրութիւն գիտութեանս մերոյ եւ զիմաստ բանաւոր ուսմանց յաշխարհին Հոռոմոց ուսեալ եմ, եւ են իմ անդ ծանաւք բազում եւ ուսումնակիցք. այլ եւ զկերպարան հանդերձիցս զոր ունիմք մեք՝ անտի<sup>7</sup> գնեմք, վասն զի եւ ոչ յայլ աշխարհի գտանի սա ուրեք, բայց անդ՝ հարկաւորիմք անտի գնել զայս ըստ ժամանակին պիտոյից: 15 Այլ զհնազանդութիւն ծառայութեան՝ աւրենք իսկ մեր պատուիրեն հատուցանել տերանց, զդիպողսն եւ զարժանաւորս»:

16 Եւ տարեալ զայս ամենայն բանս պատգամաւորին առ թագաւորն՝ իսկոյն ծանեալ թագաւորն, թէ ստոյգ<sup>8</sup> եւ մտացեբար են խաւսք սրբոյն, եւ սուտ եւ առ քինաւորութեանն խաւսի Մաղխազ զնմանէն, զոր ինչ եւ ասէ: 17 Վասն զի եւ Աստուած ըստ հաճոյից սրբոյ առնն տայր լսել<sup>9</sup> թագաւորին

1 Ատ. չիք վերնոյն. ԲԳտ. լրացրել են զօրութեան Հոգւոյն Սրբոյ

2 Ձ. նախ՝ յորմանէ, յետոյ՝ ան-ը քերած

3 Ձ. տեսնն եւ աստուծոյ

4 ՏՏ. Գիւտեայ

5 ՁԱտ. զի են առ ձեզ սուտ. այսպէս ըստ ուղղագրութեան ԲԳտ.

6 ՏՏ. ի Հոռոմս. Գտ. լրացրել է երթեւեկք նորա (են)

7 Ձ. անդի

8 Ձ. ստոյգ

9 ՁԱտ. մնայր լսել. այսպէս ըստ ուղղագրութեան ԲԳտ.